

賜

綺

堂

集

賜綺堂集卷十二詩目

哇哇岩

山行

哭譚蘭楣郡伯詩六首

有序

言岢樵司馬自閩中郵示所作連江謠十章賦

此奉酬

黃繩庵貳尹

楷

以所著詩見示

南昌彭厓堂

邦鼎

客於施州郡齋蓋不羈之士

也賦長律二首奉贈

兩接茗香書來賦五古四首答之

盆山小桂長僅尺許四序作花此山外所無也
春農下榻書齋以盆蘭伴之得五律二首

春日郊行十二首

施州樂府十四章

杯中月 懷謫仙也

道旁碑 思遺愛也

敲釘椎 嚴胥吏也

刮礮火 慎拘提也

雀穿屋 飭刀矜也

虎負嵎 翦土豪也

捕魚兒 禁拳賊也

燙貓子 懲博徒也

喫紅錢 緝流匪也

沽白酒 平市價也

牛馬走 戢驕兵也

鹿豕游 戒游女也

挖蕨根 憫窮黎也

采藥苗 決疑獄也

題雪山樓閣圖三首

爲春農題紅杏枝頭春意鬧畫扇

奉和郡伯佟鏡塘先生見示二首

元庭侍郎饋人侵賦此誌感

楊甫書來問訊賦此答之

病瘴

山中岑寂偶檢張幽原大使

廷弼

月湖泛舟詩

讀之愛其風調卒和六章奉寄

乙亥八月十七日載酒奎星閣中招王生

景

尹生

其璋

羅生

成章

周生

炳先

褚生

上林

田生

代

馬

勸陽

小集金粟花前得長律二首

賜綺堂集卷十二

吳苑 詹應甲 鱗飛

詩

哇哇砦

哇哇砦高且大行人十步九下拜哇哇大笑青天外風
蕭蕭兮雲迷迷鷓鴣偏向愁人啼哇哇失哺寒且饑哭
聲倒流三峽迴五溪哇哇勿笑且勿哭我摩其頭拍其
腹爛煮嵯峨石化饘與兒飽喫桃花粥

山行

筍輿雅稱入山輕無奈山深不放晴山脚雨霏山頂雪

山雲遮斷未分明

哭譚蘭相郡伯詩六首有序

蘭相郡伯守施州四載於嘉慶甲戌季春移
守武昌卽於是年九月初三日歿於官署逾
月而故吏始聞凶問乃設公之位於北門蕭
寺中奠酒焚詩以哭之

出山春向馬頭生忍聽西風鶴唳聲官到江城催別夢

魂飛巫峽算歸程

公家江右當軸爲之經紀始得歸櫬

依其令弟

黃州別駕

黃堂竟定終身局白旌當書後世名留與西

明傳畫像韋傘來去最分明

公籌邊四載自榜其櫬曰
用諸葛治蜀法故施人德

之多育焚香設位者按
韋臯為諸葛後身故云

也曾持節擁星轅玉尺平量萬里遙公弱冠任朝底事曾督學淮南

奇窮無計送見公鬻馬典衣詩何嘗豔福等閒消才人作郡情

難乞屢求退而院司慰留廉吏傳家守不搖公奉中丞命

自囑漫說武昌魚似米一棺未蓋金蕭蕭甫易簀即至斷炊

郵書重疊寫紅箋依舊愁懷兩地懸棘手政多難借箸

賞心曲少易離絃記書中所述拈花彈指真雙度公以珊瑚夫人得度

圖屬題今攜證果回頭恰一年公西小春郡齋櫺櫓二果各並蒂而生五枚記

和公詩有我佛證果無偏私仙馭倘須銀鹿控定呼小

尹捧絲鞭公問余舊僕尹壽率於施州書來甚惜之蓋絕筆也

題襟招月過山房

余曾與甲辰試公引為同年

召非為栽花課吏忙

獄有兩岐須五聽詩無一字不三商

公嚴於詩律一字未諧必商酌再四

傳箋絡繹人頗訝之

書撫魯郡生花管學關陽明熱辦香腸斷色

絲誰付與扶牀嬌女哭中郎

冠蓋峯頂樹吟秋隔歲曾陪履舄游指月幾人傳佛印

迴風何處引仙舟

兼精二氏之學

難留鶴俸遺宗懋能序鴻文

待子由

令弟鐵簫別駕與公伯仲

終始交情徐孺子為公經紀轍

輟畱

謂徐廣軒司馬

豈料東郊絮語時人天路隔在臨岐飛鳧盼斷真成幻

府中猶盼余至鄂城化鶴歸來信轉疑垂死夢魂憐故吏

書未來而屢示

夢
求生丹藥誤庸醫庸醫之舛誤致一腔熱血雙行
淚畢竟難酬國士知

言岢焦司馬自閩中郵示所作連江謠十章賦
此奉酬

一萬餘里江海遙一千餘言心手調其言非空其事實
作者勦爲連江謠謠成十章區以目萬口傳誦千手鈔
連江異政不止此此其大者有十條吾聞連江有九龍
拔山摩青霄六鼉駕水乘黑潮濱海而處多老饕非大
智慧具全力官其地者鮮不耳聾目眩心搖搖書生下
車三月耳力挽風氣如迴鑣譬如良醫治風疾先固其

本除其標米蟲不生盜糧絕魚鹽來集市船招探懷有
珠屏在手颶風蜚雨都冰消此時鯨鱷且遠徙何況石
華海扇同萍漂豕人虎鬼化爲鼠草蟲不敢鳴嚶嚶政
閒濡墨寫長卷南天星斗捫鮫綃寄我尺鱗三十六語
長心重披瓊瑤我歌此詩吹鐵簫空山雷雨泣老蛟中
有奇氣何蕭騷安得乘風同泛漣江橈拍肩一問言肯
樵

黃繩庵貳尹楷以所著詩見示

不道蠻煙瘴霧中逢君妙手翦蠶叢詩如老吏無疑獄
官到深山作寓公曾向五雲捫列宿偏從三峽借迴風

繼庵向為京縣貳尹不久仍當遷去三年縣譜難描就乞與龍眠畫筆工
家皖江

南昌彭配堂邦鼎客於施州郡齋蓋不羈之士

也賦長律二首奉贈

老結山中石不羈心情還縝紫雲邊翩然阮瑀工書記

妙似溫岐逐管絃貫酒同澆巴蔓塚解裝偶寄鬱林船

自慚懷筆窺東閣未遇公孫廿載前余曾受知於南昌文勤公即配堂之

族祖也

鎮日彭郎伴小姑家山寫上翠眉無配堂新贅於施州樊氏杏花

邨店探春訊近作杏楊柳河橋贈別圖配堂工於音律最賞臨川折柳

曲詞適送共成友故云俗吏登場皆傀儡名流揮麈笑侏儒尊前
厭聽巴童奏自譜新聲擊唾壺

兩接茗香書來賦五古四首答之

晨興送生行宵夢從我游生言不忍別願爲旬日留袖
出所鈔詩有字當校讎我亦心許之疑義重研搜坐生
退舫中嘯傲凌滄洲竹風驚吠犬顧影空躊躇此時茆
店月一宿何處投

冰花凝馬蹏石筍貫魚腹瘴雲封密林虎偃向人哭歷
險一萬重回頭免失足昨買樊陵舟江帆順流速定慰
倚閭心雀聲喜銅啄頌椒酒一卮家山上眉綠讀書能

開門方是才人福

阿琅本頑劣夙疾況未除不忍鞭策加毋乃飮犢愚祇
此纏綿意情深同老夫每聽夢寐中口吟雙鯉魚君歸
榻尚懸徘徊不忍趨壁間舊題句鄭重移紗幮一真不
可掩取信在吾徒

士不出里門蜚聲應 廷試制科旌異材行必偕計吏

一官入山深老向鹽車棄虛名膺薦章敢負上官意三
年生服除我適離此地相待入長安天工巧安置早酬

鮑公知場子以道誼

侍郎鮑公贈生詩有努力人間第一流之句

盆山小桂長僅尺許四序作花此山外所無也

金粟不堆盤點綴向拳石居然影扶踈流丹上几席盆
山破綠苔照水一痕碧四序抱秋心非傲廣寒客誰移
靈鷲峯縮之不盈尺天香本有根要豈借人力山窻坐
夜闌且聽露珠滴

春農下榻書齋以盆蘭伴之得五律二首

韻士難求友幽花不媚官半鋤分影瘦一翦護春寒筆
手饒新意琴心愜古懽笑他桃李豔空向洛陽看

室小纔容硯簾疎不礙簪茶香吹雪澹詩味入山深畫
到波三折題來雨一襟苔華雙玉佩方許結同心

兼懷
苔杏

附和作

恩施
褚上林
春農

桃李春城滿幽花種自官鋤分絲雨細窗護絳雲寒
手植饒清艷心香結素懽托根欣得地蕭艾莫同看
葉翦分青盎牙抽挺碧簪寫來詩格老夢到國香深
玉立風生佩珠拋露滿襟益山依小桂各自抱芳心

春日郊行十二首

硯匣詩筒付典籤戴星自笑雪盈顛升車差比升堂好
衙鼓無聲手一編

簿書堆案暫抽身令甲編排到里鄰民氣要同春氣藹
不妨終日逐香塵

細雨霑衣出郭門筍輿宛轉歷山根東風似解巡鄉意

淡抹輕烟幾處村

飛絮濛濛濕板橋
棕櫚樹老結團蕉
櫻桃開遍棠梨落
錯認山寒雪未消

柳邊人歇一舟橫
拍拍飛鳬掠水驚
笑指前灘撐不上
渡頭爭唱踏莎行

水竹烟蘿影倒垂
呼名山鳥自相隨
渾忘石磴紆迴上
恍聽風廊掛畫眉

小市家家颺酒帘
松毛棚敞接茆檐
趁墟要趁風光早
聯袂人如比翼鸛

半是山家半客家
一年生計在漚麻
如何不學當窓織

販與鮫人上海樁

山中產鮫最佳多爲粵嶺人來販去

樹杪泉飛萬壑雷雨崖中斷洞天開一筇雙屐無人到
留與題詩埽綠苔

山深無店可容車人家公然共一廬始信東坡流嶺表
枕椰樹下伴花豬

剪得靈苗縷縷長筠簋倒掛荷鋤忙飛飛蝴蝶成團去
爭戀衣邊藥草香

迢遞山程幾日周歸鞭還帶濕雲流弓衣閒却渾無事
拘取花枝插竹兜

施州樂府十四章

杯中月懷謫仙也

舉杯問月月不答月笑吾儕強作合太白雖然貶夜郎
巫山遇赦回風櫓平生足未到此地後人築亭亦多事
不解先生觴月意先生詩意含未宣何年無月流長川
何地無酒張廣筵千秋一鏡懸青天偶然飛落杯中圓
未必詩人皆散仙未必酒人無古賢那得碧波萬頃開
青蓮太白問月亭在城北碧波峯頂素娥弄影搖娟娟便欲招我乘觥
船笑指清江一勺同杯泉

道旁碑思遺愛也

道旁無碑勝有碑燕石常向荆榛埋鴻文難覓星斗垂

不如鐫在人心傳萬口沒字碑名真不朽試看六鼇戴

山成峴首譚公

蘭棚先生

守施四載久貧畏人知廉吏後武

侯治蜀先治心陽明用酋如用手化民課吏自有真頓
令寒谷迴陽春江樓跨鶴去不返屏風畫像傳其神方
公籌邊固民氣民建生祠報公意觸公之怒立毀之斷
碑久同瓦礫棄感公遇我非俗吏公沒爲公序遺事口
銜石闕不成字哭公尚未竟其志一腔血洒碑撲地

敲釘椎

嚴胥吏也

地棍與衙蠹借端串詐鄉愚謂之敲釘椎

雷椎不向空中鑿坐視羣鬼相擊搏有聲似銀釘錐錐
受者不知何處落眼中有利忘害寸鐵

皆金一敲不中再敲中筆刀下手分輕重椎柄有人能運用釘長易拔椎大難收除弊要先自蠹始然後蠹藏其尾蝨埋頭不見斬釘慧劍懸吳鉤金剛飛杵碎髑髏

劫礮火

慎拘提也野處之民土姓十居八九差役拘提有被擄截者謂之劫礮火

劫礮火牽者在前挽者左十步右十步九步跛中有一人手帶鎖兩山夾礮聲喧騰亂石紛如冰雹來釋彼還家聽汝回汝不肯回同曳去磨墨伸紙捉書據汝自縱逃官不恕役歸自官先受責官怒漆羞差失色大索十日竟不得爲言陰礮不與陽礮同赤脚蠻婦頭飛蓬劫之不勝婦轉喜背負嬰孩擲地死汝命不能償我子吁嗟

乎胥役神奸本出奇遇此伎倆無所施苟非拘之不得
法定有里甲爲把持欲滅其火風倒馳試看怒雷不作
杲日時

雀穿屋

飭乃裕也

雀衣青青雀頂白自摩其角手加額從此有司當愛惜
何況學官不我責公堂誤認雀兒窠甘爲旁人屈膝多
難向空城求粒食慣從平地起風波一波未平一波起
雀噪可憎雀自喜別有雀豹據雀巢羣雀畏之不敢抵
檣烏幕燕共遨翔雀橋偷架平康里公然鷹搏吸鶉膏
甚且鶉奔斷雞尾不思感慨早驚龍忘却整冠先礙李

羽毛自惜豈無人昂首相攻非得已始愁黃口入樊籠
化作鵜鷃雙翼比豈知法網總難寬禡去鷂冠憑一紙
我不張羅爾自投鴻飛難免弋人求平生不望啣環報
拋却明珠彈不收

虎負嵎剪土豪也

足不履虎尾手不捋虎鬚虎視耽耽方額顙居者避之
行者不得趨官符飛檄獵戶拘火鎗藥弩發不虛乃有
虎偃受役於虎爲虎愚先告以故同獻諛虎不出山方
負嵎從來機發戒宣露誰令憑依險自固拘之太急或
傷人故示獵人弛其捕人弛捕虎他顧雖有嵎不久據

大嘯一聲旋起去人力在上虎易馭兩頭木石扼要路
虎欲奮身難却步其勢旣窮氣已怖壯士縛之如捉兔
從此甘心就刀鋸噫虎能役鬼終不能役人其力可恃
其性不可馴奈何用之爲虎者假以翼而戕其身不見
前山有虎作人語不幸下車遇周處阱中搖尾淚如雨
投彼有北同腐鼠

捕魚兒 禁豢賊也

老漁家住清江邊釣得江魚當酒錢魚不吞鉤心悞悞
捲起釣絲且張網潭深千丈山影浮山根露石罾難投
豢得魚鷹入水底穿破玲瓏啄石髓雖有潛鱗能捕起

一鷹昂首翻層波先後啣尾如鸛鵝漁人拍手斂漁具
來日咎咎載幾多豈知大魚先被鷹驅去小魚入喉鷹
不吐忘機偶問閒鷗鷺鷹已飽颺不知處縱鷹容易收
鷹難依舊江空石骨寒衆人衆鳥都無用何不荒江守
釣竿

燙貓子

懲博徒也 開場誘賭擇殷而噬之士語謂之燙貓子

燙貓子貓從何來見者喜有狸斑斑修其尾投之以魚
甘且旨目光閃爍注盆裏露爪欣然來攫起請君入甕
從此始梟盧么雉相角特合圍大索防軼駛几上煬湯
沸不止深入皮毛透肌髓竟欲斲割登諸匕始謂貓柔

甘帖耳繼聽貓鳴恨切齒反噬其手血染指狼貪狙詐
伊胡底官械其人同縛豕輕則鞭箠重流徙貓亦僅存
皮骨矣我聞劉裕人中豪千金一擲氣不撓所恃家無
擔石輕鴻毛否則湯火之厄猶難逃乃笑如熊如虎終
如貓

喫紅錢

緝流匪也西北界連川省間有游民竄入土人號爲喫紅錢客

杖無懸腰無纏空張兩手分半邊合而爲一貫百千錢
兄錢弟皆少年椎牛屠狗相摩肩散入鄉村聚市廛外
之曰客拒且堅客來不速思醉眠其音半操蜀國絃每
飯不飽飽以錢有如飛蛺來往空中旋風吹不散火爲

銀十家牌成一索貫選得大錢經百鍊穿之入市萬人
看鐵繩不斷銅錢爛

沽白酒

平市價也

不平米價平酒價人笑長官酒力大平生麴蘖本無緣
飲醇之交都屏謝施州土瘠山不腴所產稻穀只一隅
肩挑背褰假人力出境尚喜無舟車運穀艱難運酒易
販夫爭致千金利四鄉到處營糟邱但有酒池無米市
米一斗酒五升值錢一千一百五十零貧人斷炊不一
飽坐看纍纍大腹懸酒餅官如示禁到閭閻翻言販酒
非販鹽官今替汝行酒令酒旗大書酒家姓價比尋常

十倍低不出三日酒槽落酒槽罄飯甑開酒傭星散米
販來

牛馬走戢驕兵也

牛行上風馬下風本不相及難強從兵民雜處仍一體
馭之有道持其中戍兵不受有司約民氣每爲兵所弱
山頭細草青連天山外平疇綠滿川馬不在山偏在田
田家見馬不敢鞭牧牛上山兵來牽官爲畫地示以鵠
百夫之長奮爭逐驅馬上堂來就收將軍者誰姑聽諸
吾力還能制武夫叱咤先教馬驚逸策爾疲卒如疲驢
縣官牧民不牧馬明日牽牛過堂下公請擇於斯二者

鹿豕游 戒游女也

鹿求友豕求牡以類相從原有偶主之者誰聽之走春
山澹岩雲起時草香蝴蝶飛遲遲豕如人立啼兼笑鹿
比仙游縱不羈本無角逐徧馳騁游騎忘歸斷其綆蜀
錦圍腰銀壓領野花滿頭紅不整刮地風吹失縱影我
聞定豕者與致鹿者山奈何放而不知求一任四蹏流
水無人收羊亡兔脫宜早計鹿柴豕柵非虛置束縛野
性就拘繫否則獵人屠人享其利是在園人牧人董其
事

挖蕨根 憫窮黎也

客民買田起厓屋土娃典田懶耕收田不能耕賣黃犢

且向山頭種苞穀隔年苞穀苦陰寒瘴雨蠻烟蒸不熟

穀不熟蕨頗肥賴有此物能療饑老穉腰鎌婦背簍施

人以竹編簍負於背上遙指西山比南畝青青不見蕨

苗抽下有蕨根大如斗蕨根大者其苗細甚如枝鐵鋤葉蓬生則其根不能食矣

斫斷絲纍纍山骨還凝土花厚輪囷大束帶雲歸杵響

深宵搗茶白漉以清泉澄盎中色白居然調雪藕冰霜

歷盡春風來一日能儲三日糗還怕長茗密葉生根深

難覓千金帚嗚呼蕨根挖盡石亦枯那得磽确成膏腴

官苦尚有蕨可茹民苦併無蕨可鋤命根當問蕨有無

采藥苗 決疑獄也

采藥休采霜桑葉上有寄生和淚結采藥休采雲茯苓
中有琥珀血點凝山高種藥如種麻山空采藥同采茶
楊唐兩姓薦蘿附夫向山中采藥去去而不返婦迹之
水流花開不知處同時采藥問兒曹但有遺衣藥裹包
鋤香籃小求不得人言或被虎狼食事隔經年始控官
牽連火伴總無端藥名藥性有誰識包裹曾經李甲看
火符飛檄先拘李供認藥苗鬼喇子能愈頭風痛卽止
產向落圈崖洞裏乃查藥譜並無此試之不驗得之矣
匹馬竟踏山雲空崖深無底藏蛟龍長繩下縋三百丈

髑髏戴石穿玲瓏皮肉盡消穢履在洞中無藥生蒿蓬
百夫挽繩轉轆轤健者負骸出深谷此間猿鳥聲寂然
誰見靈苗一叢綠自崖不返非無因李花斷送楊花撲
再三窮詰詞不虛李窺唐艾稔楊愚誘彼前行藤絡臂
懸崖撒手戕其軀鶉衣拋向路岐去要使人言死道途
楊貧難守訟終止再通媒妁偕鰥魚蛇心蝎尾毒至此
置之重法難稽誅夜窗忽聞山鬼笑女蘿薜荔藥所無

題雪山樓閣圖三首

同雲釀得雪花麤摩詰詩情入畫無自是老蓮臨粉本

天梯石棧不模糊

圖爲陳小峯所作洵妙筆也

一角山~~地~~樹杪懸冬心獨抱倚雲邊消寒盼到香醪熟
那得旗亭抱甕眠

清江月照畫屏開

畫成於清江月照之室

雪嶺千層墨一堆中有

猿聲啼不住可曾寫入蜀山來

雪嶺在清江城西卽縣志所載猿啼山也

爲春農題紅杏枝頭春意鬧畫扇

宰官不是看花客花時羞上長安陌偶隨花片落蠻烟
花與主人空自惜此花難得士齊名我向花前見褚生
石棧無梯題塔鴈瓊林有樹囀宮鶯荷鋤便向河陽種
桃李紛紛非伯仲小峯點筆寫雲山白頭還說春明夢
生花之管浣花箋詠花人與花同年

生賦杏花詩甚佳

他時飽

吳探春宴扇底紅香掛王鞭

奉和郡伯佟鏡塘先生見示二首

公才高北斗地望重西清
奪席談經富持衡
選士明奉

命典試分校禮
闈得人最盛

師門鸞鳳噓

辛酉會試出
霽園師之門

宦海鷺鷥盟

按部風行草宣猷實副名

公案無留牘課吏以實
心行實政不尚虛聲

雨賜

消瘴氣鋒鏑靖邊聲爲採荆山璞還披楚澤蘅
薪標同

刻玉桃李荷投瓊

公課諸生於南郡書院講明正學
媿不倦仍隨時試以詩文勉敦根底

必示之以鵠居
然士氣一新

仙手狂瀾障秋心老氣橫受知慚薦鶚

佈澤息奔鯨許聽華鐘奏何須扣始鳴

月問杯中白風揚袖底清
一篇珠咳唾五字錦光明
特

地分牙惠長城執耳盟召棠今小憇仙李舊齊名綵筆
含春氣鸞箋寫夏聲宮花移苑樹階草擷湘蘅源豈流
三峽丹能轉八瓊心香銅鉢付指法玉琴橫矯若凌霄
鶴雄於掣海鯨語外蟲唧唧難和嶰筒鳴

附
原作

鴨江
佟景文 鏡塘

文字因緣重神仙品地清指薪傳不盡心鏡湛然明
鼇極新聯社龍門舊主盟彈琴聊借手 賜綺早知
名石漱雲爲液江吟月有聲好風懷紫竹香草擷芳
蘅曰斐初裁錦惟良必報瓊絃歌三雅小耒耨一經
橫枳棘朝翔鳳滄溟夜起鯨飛鳬近臺閣側耳聽和

鳴

元庭侍郎饋人穫賦此誌感

識公卅載前公年未三十勸我讀道書格格不相入公
持養生論於藥本無涉公心沃靈苗灌溉日融洽公身
調元氣吐納任呼吸前年見公時丹砂駐雙頰招我飯
胡麻蔬荀味和翕我年少於公衰態形躑躅贈我珊瑚
枝喜同瑤草拾欲報無瓊琚珍藏歷冀焚煬來兩寒暑
貽書重惠及紅箋緘紫團三稜展五葉香從鼻觀參露
向舌根裏念我投竊荒屨軀當補攝我生賤且貧獲貴
非我挾上交先自慚敢望慈波浥譬如瓦釜塵洒以金

壺汁投之未必效效且虞不給公今督八州一莖太倉
粒蒼生胥待命壽人情孔急生機方寸萌宇內已淪浹
願同佛國蓮長捧堯厨楚我非槁木心感公恩誼登琅
兒世守之

來書垂問琅
兒並分賜之

金丹寶什襲

惕甫書來問訊賦此答之

君今六十一我亦五十六未必少壯時此身甘屈伏與
君同里門卅載非碌碌許我張一軍敢望後塵逐長安
人海中一例困塲屋君方傲貴游豈肯干薄祿途窮始
賣文才大不諧俗我思采薜蘿君已棄苜蓿歸耕楞伽
山門對石湖淥集成淵雅堂早看萬人讀老筆寫漚波

墨琴楷本縮有子且抱孫俛仰能自足何必求顏仙卽

此享真福巍然魯靈光侍郎匠輪斲

謂小峴山人

詩境晚逾

日疑義共商確千秋得兩賢坡公友山谷相待十年餘

後集刊行續櫟材非棗梨生壙且遲築

來書云櫟材已買得生壙亦築

成惟淵雅續集未刊耳

嗟余墮蠻烟偏逢瘴癘酷此心等蠶叢宛

轉向誰告忍寒熏藥苗療饑嗽苞穀有時託嘯歌雜入

山鬼哭方知李青蓮當年赦書速若久留夜郎江月何

須捉悠悠歷星霜棄置同槁木所喜入山深堆案渺留

牘三載當黜陟書考無榮辱長官憫投荒隨輩一推轂

行當上長安春糧無隔宿求退轉未能先後羽書促蛾

眉生入關誰肯千金贖因思陶先生去來遂所欲當其
赴官時琴書先已束寧待秋風生眷懷三徑菊我年少
於君齒豁頭已禿阿琅十四齡課之尚逃塾料難守經
綳還復計餽粥萬事不如君立言更儼鯨捧來雙鯉魚
垂老情愈篤纏綿桑寄生青天舉黃鵠書從儕儕偶作
太守寄來楚中游爲我唾珠玉君書所未詳見聞皆手錄近在二
千里相逢且未卜何況阻關河抽帆難轉軸他時握手
緣那能斷諸獨報君五字詩老淚滴殘燭

病瘴

清濁不分疫乃乘山澤不通瘴乃凝非烟非霧非雪蒸

晦暝風雨寒暑之氣相合并沾衣四時淚點零看花一
霎迷雙睛毒流濫觴惡木蔭千變萬狀不知何所憑有
時鬼豆撒不停擊之啾啾雜鳥嚶有時仙草香自呈觸
之隱隱聞蛇腥天梯石棧路杳冥役夫相失喚不應馬
馱愁避郎當鈴臨溪履薄同戰兢中人速於蠱易形壯
者腹果腰可勝弱者頭重肩難承我不飲酒醉不醒無
眠日伴長明燈此身何敢更自惜瘞旅當倣龍陽丞從
者先後埋白骨蠻方妄說醫巫靈

從人先後病且死其
一垂死而歸者幸而

獲免老妻扶床兒奉杖臥如蝟縮行癡蠅覩此倍覺心忤
忤那得杲杲白日空中升陰霾散盡浮雲青仰天大笑

病者興不見子章髑髏之詩鞭雷震

山中岑寂偶檢張幽原大使

廷弼

月湖泛舟詩

讀之愛其風調率和六章奉寄

莫問成連海上航牙琴拋却水蒼茫多情祇有江潭柳
搖落依然戀漢陽

傍成樓閣結僧庵花氣濃熏酒氣酣一樣雨絲風片裏
不曾山色借江南

桃花廟裏樹婆娑細檢殘碑感逝波此日名花都解語
豔情不比怨情多

水榭風廊客品茶舞衫歌扇撥琵琶如何簫鼓秋燈夜

不送江萍祇送瓜

寓鶴園鄰大別山水樓一角寫煙鬟涼篷夢到橋灣泊

紅藕香銷靜閉關

吾弟崑漁曾葺鄰園以止余名之日寓鶴自余入山而園亦久荒蕪矣

六章雅曲貽漁父三影風流按水仙寄語郎官湖畔月
要移花影上吟肩

乙亥八月十七日載酒奎星閣中招王生

家筠

尹生

其璋

羅生

成章

周生

炳先

褚生

上林

田生

岱雲

賴生

朝陽

小集金粟花前得長律二首

珠簾捲雨洗山容粉壁丹梯影幾重鈴靜喜無僧怖鶴
樓高雅稱士登龍停杯問月三年滯下筆凌雲七子從

要寫南州秋色好露華染到十分濃

文章氣節一身肩當代歐公絳帳懸

郡伯佟鏡塘先生代主南郡學北以

實學砥行課士故

退院不曾離講席

余雖卸縣事如退院閒僧以曾攝監

院事仍按散衙可許借賓筵

與諸君相約來秋預行賓興之禮

佛心尚

有空桑戀仙掌從無妙藥傳我去夜郎仍自大飽看嘉

樹長風煙

附和作

恩施

王家筠

滋圃

猶是談經奪席容眼光秋色氣千重閒情雅愛琴隨
鶴法曲遙聽笛引龍北郭少年邀器識南樓老子許
追從登臨正值催詩雨飽蘸笑香筆露濃

高寒詩骨聳吟肩何止文章北斗懸四境棠陰雪結
舍三秋桂影月當筵難攀丹轂同梯遠敢向朱衣借
鉢傳今日香名天上記雙鳬飛去便凌烟

恩施尹其璋禮南

四圍山色寫秋容奎斗光臨第一重此地高寒宜跨
鶴幾人聲價許攀龍振衣頂上金鰲冠搖筆毫端玉
兔從幸踵後塵連步進憑欄指點桂香濃

此日登樓笑拍肩樓頭四面彩雲懸雲中咳唾生珠
玉雨後香光泛几筵金粟前身參妙相青蓮雅曲得
真傳南州高會留佳話醉墨淋漓氣吐烟

湘潭
羅成章 煥廷

面面山容帶雨容
金鼇頂上翠雲重
欲登月窟追飛兔
先向天衢看躍龍
芒屨相親千里遠
辦香共祝七人從
南陵此日尊開處
料得花濃酒亦濃

梯雲先後共摩肩
滿目秋光樹杪懸
邀笛最宜風出袖
張燈不借月開筵
台星好並文星照
匠手還憑畫手傳
鴻去欣然留爪印
墨痕掃却夜郎煙

恩施
周炳先 星橋

洗到秋山雨後容
登梯直上最高重
樓無暑氣能留鶴
樹引風聲欲化龍
分得清香誰管領
拈來佳韻謝

嶺從一襟涼露涓涓滴吹落枝頭桂子濃

先生雅愛聳詩肩珠玉頻霏顆顆懸此日斲輪操玉

斧幾人懷筆侍瓊筵冠山力弱輸鰲戴問在鰲脊峯頂畫壁

詩成待雁傳遙擬來秋重奉杖木犀影拂鄂江烟

恩施褚上林春農

杈枒老桂鬱秋容上出丹霄第幾重飛閣倚山雄馭

象閣踞鰲脊峯頂環城帶水曲蟠龍蟠龍溪見邑志當頭有

月停杯問附尾何人侍筆從欲識先生題壁句金鰲

頂上墨花濃

共上雲梯笑拍肩謂諸同人選樓高並玉壺懸挾天才氣

凌霄斗斫地狂歌出綺筵
亦有心香同桂馥斷難手
筆副薪傳明年黃鶴樓中
會吹簫重唸鄂渚烟

恩施

田岱雲

作霖

玉樹煙含帶雨容秋光一抹影重重振衣此地來攜
鶴破壁何人看畫龍樓上三層憑汲引香分兩袖喜
追從欄杆自有天香拂不比尋常露氣濃

幾度循牆止及肩登臨不見月初懸丹黃一樹歸詩
筆蒼翠千山撲酒筵悟到妙香叅鼻觀敢忘嘉植附
心傳戴筐同看光芒燭掃盡南州百里烟

恩施

賴朝陽

丹鳴

龍山鷺嶺大包容也抵滄洲一萬重閣外天香幃引
鹿尊前人影筆雕龍斲輪匠氏裁成妙推轂門生少
長從料得朱衣先點首墨華更比露華濃
後塵敢望齒隨肩七字驪珠百顆懸秋色平分星入
座古香團結月張筵由來丹桂三生籍澈底清江萬
口傳便擬勒碑鰲脊負瘴雲消盡藹鑪煙

賜綺堂集卷十三詩目

出施州四首

蕭壽山都督聞余將抵宜昌爲雪所阻遣軍校
迎至長陽衛行得以出險南衙飲餞匆匆別
仍送至郭門外十里之寶塢灣賦呈四首誌感
余旣譜清江詞五十章茗香作長歌以敘其事
依韻答之

偕茗香北行卽用途中寄鄂城諸友原韻二首
過許昌憩草店廟一飯見壁間自同里韓桂船
尚書留題後和者紛紛所謂明遠雲深兩道士

者皆不得見因次元韻二首示茗香

鄴中謁韓魏公故里二首

邯鄲道中題壁

荆軻故里

宿金台驛晚發止北河五律四首

都門重謁鮑覺生先生卽依漢江留別原韻賦

呈長律四首

程玉樵吏部

德潤

贈詩四首依韻和之

張長溪舍人

履恆

十六年前所薦士也以余來

至京師晨夕過從喜而賦此

題周春泉孝廉人龍種樹山房詩卷

題秦鷺門柑酒聽鶯圖

友人吳向藜述其尊甫貫翁遺言以畫像求題
余感其意爲賦五律二首

范汧谷刺史繼昌以所輯竹山縣志見示題長

歌一首

呈臬使周衣谷先生六首

奉酬百泉陳丈用余題竹西松風老屋詩集二
律原韻卽馳寄章門幕府

奉題怡庵觀察蟠桃畫幀二首

怡庵觀察又以蟠桃畫扇屬題

學使朱詠齋先生賜題拙稿卽次元韻奉酬二
首

陳玉山太守書法力追古人踵門求書者日不
暇給其所書皆拙集中舊作又以素冊徵書近
作之未付鏤削者旣錄稿以應並賦長律二首
書之冊尾以誌一時翰墨之緣

題葛書田中流放棹圖

胡果亭觀察以白蓮畫扇屬題七絕四首

題白蓮畫扇爲怡庵觀察賦

竇松溪明府

欲峻

以旅懷二首見示次韻奉酬

偕嘯崖明府偶步湖隄小飲澄心花榭兼懷竹

西明府

玉山太守以團紗畫扇乞題三首

奉檄隨同趙虛舟郡伯查勘江州隄口事竣占

呈長律二首

丙子長至日王右圃明府招同彭秋舫黃嘯崖

李東觀楊固堂石赤霞吉薌畦椿繩山諸君之

同官楚北者集友于堂爲甲寅同年團拜而強

余濫觴其間是引髯爲同調也主人卽席賦詩

二章因亦忻然和之以誌一時觴詠之雅

賜綺堂集卷十三

吳苑 詹應甲 鱗飛

詩

山施州四首

前車去已遙後車不得走尚未辭長官何敢別僚友觀
者已塞途痺肩招以手揮之不肯散長跼捧尊酒酒是
淚釀成勸公吸一口行行至郭門十步九回首黃塵生
馬頭哭聲震林藪平生鐵石心遇此顏孔厚下車前致
詞在官事事負出山終入山吾年未衰朽

出郭三十里解裝蓮花池行廚與行館供頓誰爲施婦

孺久延佇迎門何嬉嬉爲言半日程履險如平夷筍輿
上林杪田夫爭護持盤飧具雞黍乾餼裹箬皮束炬照
蠶叢爆竹懸松枝蠻童手擊鼓跳躑聲歌驪此行蜀道
易善禱非媚詞如何到官日入境無人知

三宿度紅崖曉發崔家壩故吏揖道旁

湯藜青巡檢

強余行

李卸入室羅酒漿掃榻風葉下贈言壓征鞍值比連城

價歸裝兩袖雲重與熏蘭麝黃

繩齋貳尹

魯尹軼羣才老境

如噉蔗同官有三益各騁飛黃駕官卑不自卑民物無
小大年來雞犬馴漸見雀鼠化我所未設施公等力能

借

胥徒十數輩百結衣懸鵠出山一萬重足繭雞皮敝堅
冰挂絕壁爲我捫荆榛積雪漏朝曦爲我牽車輪張棚
幕以布執爨求其薪風餐與露宿忻然忘苦辛因思在
官久鞭扑加汝身縱然施小惠老筆難生春奈何弗忍
去欲語還逡巡彼都有人士遠送江之濱

蕭壽山都督聞余將抵宜昌爲雪所阻遣軍校
迎至長陽衛行得以出險南衙飲餞匆匆揖別
仍追送郭門外十里之寶塔灣賦呈四首誌感
除是風雲一線通此身無翼度羣叢軍符更比雷車迅
飛出冰山雪窖中

健兒快馬溯當年褒鄂勳名萬口傳要按西涼新樂府
征袍爲我洗蠻烟

破廟焚詩敢乞靈

十年前過當陽夜宿張桓侯廟中夢賦長律一首爲桓侯擊賞醒而以所

刻詩集焚之繪圖以記其事

淋漓醉墨寫雲屏生平文字真知己兩

過荆南拜將星

施南戍兵一千五百餘名以協鎮領之隸公麾下公巡邊所至折節下交故自

公鎮宜施州兵民無互控者公又自言不文酷好余翰墨征塵未拂早磨墨伸紙以待矣按宜目與當陽皆古

南郡故云

旗門月落徹燐羊追送津亭燭兩行同聽塔鈴鳴咽話

倒流三峽溯長陽

余旣譜清江詞五十章茗香作長歌以敘其事

依韻荅之

我從哥羅驛中聞竹枝夢攜玉女游湯池謫仙蹤跡所
到處兩年漢東遷南離二千里外荆棘披蠻方風土非
儼滿雪山萬仞升紅曦生來訪我如探驪劍光跳虎筆
走螭壯哉一軍誇鷗兒櫂歌翻出絕妙詞生有清江櫂歌余詞乃廣
其意是生妙手穿就珠無遺南豐太守飛騎馳譚蘭楣先生聞
爲之
生入山卽飛騎相邀索詩者再延生高坐俗士嗤難得客星仙月同此
時先生秃管空把持如以瘦骨餵豐肌剪裁新綠囊君
詩生新綠山房稿敢云被之絃管聲恬熙輶軒不錄柔
詩成乞余點定靡辭狡獪伎倆無所施且喜仙才鬼才生擅奇投我此

歌情爲移豈知老女畫眉原非宜此五十章當付江瀾
濯釀成濁醪傾一卮否則光明之燈懸琉璃燒出獨繭
仍抽絲懺除前言未必遲更歷山巔尋水湄洗却淚眼
開笑願當年舉杯問月月不知那得青蓮重起張鼓旗
只有江花江草含青姿竹王木客匪我思空中竿籟驚
且嗃吹入瘴雲瘴霧誰聞之想當然耳言誰欺此詩不
能傳信空傳疑

偕茗香北行卽用途中寄鄂城諸友原韻二首

細雨輕塵驛路平山家爆竹送春聲
渾忘歲序同荆楚雅稱才名入洛京

茗香於此時入都補應

廷試出谷早鶯催曉夢問

途老馬戒宵行白頭還受吳公薦莫道三年尚未鳴

生方

除服

短衣長劍望離亭心似雙輪那得停宦轍敢勞仙叱馭

舉場爭看佛名經

生與春農相約仍赴鄉闈

橋霜店月詩難和街拆

車鈴酒易醒差勝樊陵成獨往峽猿啼徧萬山青

生曾單騎

就余施州往返四千餘里

附

丙子新正隨侍湘亭師計車入都王君懷豐

士昌

褚君春農

上林

遠送江干別後却寄二首

閔

新茗香

程門雪立萬山平入耳絃歌隔歲聲且喜雙鳬飛漢

渚要隨兩馬適周京留傳衣鉢沿途託料理琴書執
御行先著一鞭輸祖逖枉教起舞聽雞鳴

那堪折柳到旗亭我亦驅車去不停從此分襟成別
賦豈真奪席羨明經春風推轂征程暖孤月橫窓旅
夢醒回首漢江烟樹裏夜堂誰伴一燈青

過許昌憩草店廟一飯見壁間自同里韓桂齡
尚書留題後和者紛紛所謂明遠雲深兩道士
者皆不得見因次元韻二首元茗香

紅塵到此遠通津莫問仙緣與佛因墨瀋香畱同印爪
雨霖望重敢抽身松關不掩難投宿茆屋無多自買春

今日尚書頭早白明經說與後來人

杜陵尚書山
拔萃登朝

關山誰與指迷津輪鐵消磨未了因俗客難謀力士面
才人休現宰官身黃梁未續前生夢丹竈能回幾度春
似我拈毫題店壁枉教草草笑勞人

附
同作

閔新

梅花引我問前津七字瞻韓也夙因車望後塵難學
步樓憑上界許飛身清風作誦紗籠壁法雨隨時座
入春還問此公登眺去仙山絕頂更何人

鄴中謁韓魏公故里二首

鄴中遺跡渺難尋漳水東流自古今將相從來爭晚節

爲愛黃花晚節
香魏公句也

英雄無奈負初心

魏武未得志之前
尚不失英雄面目西

陵衰草臺空築南郭殘碑土未侵天與忠奸區畫定魏
公前後費沉吟

兩朝國木一身肩坐論從容急所先自有棟梁支大厦
并無木石記平泉耆英屈指居前席潞澤同心列後賢
留與千秋作憑弔荒莊誰守范家田

附
同作

閔新

無權無黨祇孤忠文富還宜拜下風一范齊名寒賊
膽兩朝顧命託臣躬賢才汲引耆英曾儲貳分明社
稷功莫道門牆高百尺勒碑許我識韓公

邯鄲道中題壁

平原極目莽蒿萊有酒難澆土一坏修到神仙還說夢
嫁從廝養尙憐才美人公子都陳迹複壁連城也劫灰
輪鐵消磨空自笑白頭學步我重來

荆軻故里

圖窮七見血沾襦不比留侯客易通豎子那堪供臂指
先生在自送頭顱謂田光百金求劍非生刼一諾捐軀亦
酒徒千古悲涼歌易水美人車跡竟荒蕪

宿金台驛曉發止北河五律四首

十度金台下誰憐駿氣消此身甘伏櫪吾儔正揚鑣古

驛偏依郭平津不架橋道傍官柳禿輸我髮蕭蕭

北河投轄處當日水瀾漫破壁尋遺墨殘燈促晚餐馬
頭花影散驢齒草聲乾明發燕山近風雲洗眼看

欹枕難成夢聞雞坐向晨計車同少日傳舍到中春

年前公車屢上皆以中春之月北行差免宵行役

辛未十月轉餉十萬兩入都自安肅至良鄉俗途驛駟遲至日晡始應宵行達旦還憐露宿人車中幸保無虞今猶不免有履霜之懼

吾衰欣有託何敢厭風塵

聯轡忘羈旅登程戒僕天亂山嶠月小遠樹漏星孤得

句車鈴和消寒市酒沾着鞭期努力芳訊問前途

都門重謁鮑覺生先生卽依漢江留別原韻賦

呈長律四首

三載輜車去鄂城至今歌頌溢江聲身如鸞鶴翱翔倦

眼看雞蟲得失輕松柏從來爭晚節

見公所作歲寒松柏制藝

藿葵

非爲戀朝榮臣門證到心如水祇畏人知澈底清

五千里外起居疎笑語親承退食餘閉戶不嫌雙鳥納

典衣還覓百城儲斷無黑白清心鏡自有丹黃曬腹書

靜寄高齋塵不到

以靜寄名其軒

公懷磊落本淵如

就論水範與山模鯉對叨陪氣誼孚忠孝文章家法守

酸醎嗜好俗情殊

謂子堅公子

萬花飛舞才人筆八陣森嚴

上將符執卷高吟同拍案竟忘宵漏促銅壺

蒼茫塵海總無憑，知已難酬信有徵。鳴鳳不爭風上下，

策駑敢望氣飛騰。

公序拙詩云：昔之才子，今也循吏。彌滋感愧矣。

雲移遠岫光

仍戀

時將出都

月近中天皎自澄。莫爲白頭憐故吏，願將心

跡證壺冰。

程玉樵吏部

德潤

贈詩四首，依韻和之。

十五年前總角時，一軍旗鼓冠雄師。宰官早識神童字，

評事重酬吏部詩。

玉樵總角時有神童之目，余宰天門，識之。按昌黎有贈崔評事詩。

豈

但文章追雅頌，能全道誼化澆漓。知君架上凌雲筆，愛

向風前寫折枝。

鳳闕雙盤紫氣臨，可容飛鳥入雲深。渾忘佇立雞籌曉，

忽訝相逢鶴蓋陰

卓異人員例由考功司帶領引見不期與王樵相遇於宮門之外

一霎搏風指老眼三生笑月澄初心

十年前重過竟陵王樵曾和余笑月

庵題琴聲久已拋塵海敢向仙山索賞音

含香入侍拜

恩榮

御墨親題列宿名當代賢才升

畫省幾人黜陟係蒼生頭銜愧我書金鑑心跡憑君指

玉衡回首岳江鷗鷺泊好春盼到上林鶯

玉樵向受業於馬生小竇

葛余辛酉分房所薦士久不赴公車矣

佳篇七字協內宮便擬花前按小紅此地高歌難和雪

吾儕到處願揚風升車轉惜跛行僮投刺頻憐息影鴻

真意纏綿滋感愧臨岐翻恨馬蹄匆

附原作

程德潤 玉樵

憶昔從游絳帳時主持風雅屬吾師聲名浴下三都賦著作吳中一卷詩譜就新詞偏博麗揮來大筆更淋漓韓門高弟如林立也許鷓鴣占小枝

竟陵攝篆吉星臨當日攀轅佩德深野勸農桑能美俗城栽桃李漸成陰難容吏蠹除苛法不忍民魚見苦心留得堤邊碑碣在蘇公白傅有同音

王成邑中
大水先生

履險強築堤得不潰
里人爲立石堤上

讀書原不羨浮榮錯使顏標浪得名敢詡文章韓吏部難忘絃誦魯諸生惟公治法如風草勗我臣心比

鑒衡報最三年登上考相逢花下聽宮鶯

溫綸畫捧出乾宮鳬舄雙飛趁軟紅却憶十年逢
舊雨重教一月坐春風關心雲樹停征騎過眼烟花
付塞鴻拚得辦香常供奉津亭別酒又匆匆

張長溪舍人履恒十六年前所薦士也以余來

至京師晨夕過從喜而賦此

一榜兩副車皆吾門下士當年網得之才筆驚主試辛酉

楚闌一榜以副貢領薦者只生與家楚望兩名同出吾門而楚望又與余戊申同年楚望苦研經

博聞多強識閉門授生徒公車艱一第竒窮無計送老
病先謝世生能張我軍堂堂樹赤幟行文用古法大醇

而後肆再戰捷南宮三策見經濟謂當冠鰲山職居清
要地豈徒染鳳池謫爲香案吏生今官舍人毋乃爲我
計縣尹博誥身遭逢良不易煌煌恩旨頒加級隹卓
異細懷先大夫幽光泉壤賁制草出閣中感極自流
涕生爲濡筆書五花備職志神凝嚴莊寫有真意
薇客各簪豪難得通家誼城南散直卽停轡檢
我囊中詩千金一帚敝雖然牛腰廩不抵鳳毛細吾年
已漸衰弄墨偶游戲生方干青雲校讎讀中秘苟得所
設施一一見諸事壯夫慎勿爲雕蟲乃小技

題周春泉孝廉

人龍

種樹山房詩卷

我泛郎官湖未登孝廉船聞有徐茂才

應標

結鄰近市

廬舍弟與之游所至襟袖聯弟亦好詠詩君手加丹鉛
我始耳君名喜弟交兩賢君偕徐君來訪我江帆懸近
復見君詩驪珠百顆圓清才一何綺下筆情纏綿贈我
以長律七字彈秋絃所嗟彩筆禿冗坐如枯禪

贈余詩有孤琴

調古知音少老樹生花著色妍之句君方種嘉樹百尺凌風煙根深葉自

茂華實能相宣詩心先立骨剪去枝連拳抱此松柏姿
不同桃李妍他日登明堂鏘奏青雲篇

題秦鸞門柑酒聽鶯圖

小試名駒氣不驕緩尋芳草趣偏饒酒懷北郭同南郭

詩思長橋更短橋人柳折腰如拱揖佛柑攜手恰相招
鶯聲似勸銀鞍住莫逐風花萬里遙

友人吳向黎述其尊甫貫翁遺言以畫像求題
余感其意爲賦五律二首

得見先生面能令死者生

翁精於醫理所著一編真濟有醫畧一書行世

世三折舊知名貌是餐霞古心如砥石平金丹從可乞
何處訪蓬瀛

季子傳家法論交憶昔年
黎光能照夜劍氣欲凌烟
妙溫豪端吐奇方肘後懸
識公圖畫裏一語感纏綿

范汧谷刺史

續昌

以所輯竹山縣志見示題長

歌一首

君官上庸家上虞希文後人德不孤曾有兵甲十萬儲
左手執筆右彎弧淋漓墨瀋賊血濡釐爲竹山縣志十
卷書功成宦成名不居書成攻鏡得失窮錙銖殫竭心
力讎魯魚要令籌邊善後言無虛見者莫不疑其迂豈
知君非儒者近於儒指諸實事綽有餘吾聞楚西賊擾
彈丸區將軍者約君下車君從秦隴馳雙鳬入城瓦礫
埋榛蕪官無廨舍民無廬君方露處奮臂呼能鼓士氣
爭先驅抽刀屠賊無完膚賊衆蛭潰同散蚨出奇設伏
勦撫俱焚橋截流轉舳艫毒龍宵濟浮甕蛆

謂逆匪蕭紹周諸賊

匪溺死 木瓜坪砦虎負岫驚雷驟雨啣枝趨君履虎尾將

虎鬚齧割虎子鼻其顛埽蕩虎穴虎伏誅謂逆匪樊仁傑妻于被磔

樊逆亦溺斃 兵行先事急所需唱籌三路供挽輸大軍所至

毋徐徐遂令封狼野豕咸就俘漢中安堵民氣舒從此

白蓮不敢窺邊隅大吏入告

帝曰俞晉階刺史冰銜除花翎拜 賜恩遇殊載諸國

史信不誣何用吾儕搖筆傳令譽書生枉綰赤紫符倉

猝遇變形趙趙空張兩手瞋兩瞋否則氣矜心動計慮

竊非有定力籌難紆君迺從容播政忘勤劬先繕城郭

疏河渠次建學校招生徒剪却荆棘施犁鋤其時鄰境

方援抱百廢具舉調於塗君搽何術而得諸我願官斯
土者爲寫破竹補竹圖摩勒上石作楷撫山石不爛竹
不枯盤根錯節凌霄扶肖君之類清且癯比君之心久
弗渝此君何可一日無吁嗟乎范大夫

呈臬使周衣谷先生六首

鱗冠豸繡珥金貂翠羽承 恩出絳霄分陝功臣同召
伯有虞才子數咎繇洗冤世守濂溪法詠澤人觀靜海
潮怪底臣心原似水問津家住直沽遙

蓬萊宮闕朶雲紅

輦下才名冠海東

召試舉人俱奉

廷

內

司馬賦追周魯頌歐陽文有廟堂風書雘中秘牙

籤富詩寫邊聲手筆工殿上鄒枚應俛首輸公擐甲挽

雕弓

公經畫西陲先事籌邊勦平陝匪因而上結主知特拜花翎之賜

雙繩牙璋播政餘

兼權方伯

令行嚴肅氣溫舒下車訟獄歸

清簡按部供張力屏除鏡照秦臺銷吏蠹網開楚澤拯

民魚漢之廣矣江之永可比公懷萬頃如

錚錚風骨自嶙峋力砥中流柱石臣元相曾膺廉訪使

寇公先現宰官身佛來西域香生袖人望南樓月滿輪

看到凌霄松柏健節花近放十分春

漠南草木係蒼生三載風揚楚甸清自有盡誠酬

主眷更無疑獄質神明

重新郡廟自書楹帖有香凝燕還將信謝廣神明之語

癡牙幢擁績展烏臺肺石平擬借江樓一枝遂興歌吹
徵萬家聲

翰墨多生有夙緣

書爲公所賞許行草自非故云

愧無才調感公憐

難飛鳬鳥終凡骨遲傍龍門悔昔年裹足不嫌腰版倦

網心終愧口碑傳

裴采及官聲與江漢兩終中丞奏名保薦

虛名忝荷異

公薦疲駕還思奮一鞭

奉酬百泉陳丈用余題竹西松風老屋詩集二

律原韻卽馳寄章門幕府

生花老筆總無枝百尺樓中七字詩驚座才名傾將相
斲輪妙手遇工師卅年丹轂抽簪早千里青山放棹遲

更與東南看舊約水天涼話聽彈絲

掌上金丹九轉深自繙仙曲譜瑤琴軍門鼓角風生檄

商婦琵琶月滿襟

來書云維舟
湓浦者三日

似爲泥塗憐後輩

聞余
量移

非善地爲
之太息

不膺方鎮遂初心二千石已傳家法

令子玉
山都伯

好對南山抱膝陰

奉題怡菴觀察蟠桃畫幃二首

不染穠華上畫屏須知果熟比丹靈當年臣朔曾懷核

又向南臺伴歲星

珊瑚倒挂夜珠光九朶雲紅葉底藏寫到高枝都結子
蟠根留放節花香

怡菴觀察又以蟠桃畫扇屬題

此果仙家證佛家徐熙妙手染丹砂從今出入公懷袖
仁者風揚益壽花

學使朱詠齋先生賜題拙稿卽次元韻奉酬二
首

三年持節

主恩酬公望中朝第一流種樹心同江漢濯探花身駕

鳳麟游力排曲學遵周道

見公所著闕邪說論

提唱元音變楚謳

今日天南筐斗戴口碑林立冠鰲頭

公按部施南蠲廉以資南郡書院膏

火按鰲峯在施州郡城

自慚頭白尚爲郎

公詩有誰知冰雪盈懷袖手版頻持已白頭之句讀之感而思奮

簿

領浮沉業就荒學畫蛾眉嫌筆禿難騰蹇足負鞭長

方時

病足決旬未入謁承賜書垂問故云

公嘸下士成佳士吏隱蠻鄉卽故鄉

承承乏恩施已五年矣

塵土滿襟詩一卷敢邀拂拭許登堂

陳玉山太守書法力追古人踵門求書者日不

暇給其所書皆拙集中舊作又以素冊徵書近

作之未付鋏剔者旣錄稿以應並賦長律二首

書之冊尾以誌一時翰墨之緣

綠水園中墨一池憑公濡染氣淋漓豈知鐵畫銀鈎字

慣寫郊寒島瘦詩其局何曾分冷暖律筒從此判雄雌

專城才望長城句擬繡平原五色絲

似憐腰版久消沉偏注狂名博賞音百尺樓高容納履

五花筆老許題襟團紗妙借丹青手

以團扇見照

獨爾空抽

午夜心堪笑廳官才早盡尚勞拂拭到焦琴

題葛書田中流放棹圖

難得中流自在行不帆不楫一舟輕斷無弱水三山夢

會有長風萬里情

書田新薦卓薦

釣客烏篷同鷺鳥僊家丹竈

寄蓬瀛披襟穩向船唇坐譜入銅琶鐵板聲

胡果亭觀察以白蓮畫扇屬題七絕四首

霜豪誰寫妙蓮香換却紅衣照水粧天許家聲守清白

貝集卷之五
玉盤擎出夜珠光

豸繡名高六察中歲時荆楚早宣風釀花紡績分甘苦
要補幽風畫草蟲

油幢開處幙生雲中有清香我佛聞到此塵襟都洗盡
不須揮塵却炎氛

夢落江湖二十秋臺叅可許上蓮舟揚風出入公懷袖
願學蟲吟傍扇頭

題白蓮畫扇爲怡菴觀察賦

徐熙妙手老布衣畫花能語蟲能飛遙天無雲日卓午
香風一縷浮魚磯妙蓮兩朶淨無比出自臣心生舌底

不染紅衣伴釣師露盤擎到銀潢水糸出水面蜻蜓闊
影纖雨珠滴下蛟龍涎斷無蜨粉沾衣重妙與蟬紗歷
髻偏碧油幢下花生綵扇頭留得香名在好祝蓮池駕
寶航百蟲飛飛渡塵海

竇松溪明府欲峻以旅懷二首見示次韻奉酬

秋心淡到一痕無倦聽鳴騶隔巷呼那得同舟逢李郭
依然弱水阻蓬壺暮收殘局休爭劫詩到方家尙問途
松溪詩律最工此去天南雲萬里昆明池上看銅烏將
猶虛度下
之行

漫築高臺避宿逋佈金地少點金無原詩有東坡曾五
嘆一錢無之句

窮笑我空焚柳三善如君合宰蒲宋玉祠荒香草沒明
妃樓圯粉花枯皆興山古蹟松溪所管領也臨風無限蒼茫意寫到
魚牋點鼠鬚

偕嘯崖明府偶步湖堤小飲澄心花榭兼懷竹
西明府

長堤三里敗酒帘破樓一角倚畫檐滿階黃葉僧不掃
到門客自掀風簾澄心花榭花事盡此時有佛無花拈
湖光爲我寫秋影宛如鏡中坐兩髯不衫不履據磐石
隔離呼取零沽添我不能飲君獨酌侑之以茗甌香甜
僧雖笑指壁間句紗籠乃有蝸涎黏就中豈無渭城曲

酒氣拂拂上指尖惜哉文人與豪客酸臠嗜好終難兼
吾儕花時不過此嗟懷淡似秋雲纖林皋亭下夢錢大
竹西在黃州有來至浹南之信與君比翼同鸛鶴隔江秋色一帆剪詩
城酒壘何森巖月湖添寫阿髯照百東坡是三人占花
開花落等閒事勝游良約無久淹我歌此詩爲之券黃
九笑我言詹詹

玉山太守以團紗畫扇乞題三首

一抹微雲屋角山是誰妙手仿荆關石湖烟雨橫塘路
人在帆光塔影間

綠水長洲憶舊家名園好向畫中誇

太守舊宅有綠水園他年結

社重相訪老樹當門繫釣楂

斜行細字界烏絲寫向桃根與柳枝我不還山公典郡

江城傳明扇頭詩

奉檄隨同趙虛舟郡伯查勘江州堤口事竣占

呈長律二首

減從輕裝歷漢陰何曾載鶴與囊琴能除蠹弊真方面

下車卽首懲吏胥之蠹者不忍鴻嗷矢寸心夏屋近邀清蔭滿同憩館舍

以省僦從之勞冬官早沐湛恩深由工部出守後車偏許駑駘駕

也聽兒童竹馬音

版築躬撻戒逡巡障川手是作舟身三年澤國謀安堵

川邑順年一水星樣許問津老女畫眉新嫁婦時將量移所屬
縣治乃長官刮目故鄉人東風也解停車意浣却衣邊
有此役袖底塵

丙子長至日王右圃明府招同彭秋舫黃嘯崖
李東觀楊固堂石赤霞吉薌畦椿繩山諸君之
同官楚北者集友于堂爲甲寅同年團拜而強
余濫觴其間是引髯爲同調也主人卽席賦詩
二章因亦忻然和之以誌一時觴咏之雅

輞川小築徑新開此飲難辭酒百回老筆輪君光燄燭
焦琴愧我爨餘灰逢場竿木非空幻同譜花枝妙剪裁

筵前不列笙歌但設隨身
笑倒月宮張廣譙羣仙偏要

散仙陪

記向山巔夢水涯同心話到歲寒時
謂嘯崖曾至旄州與余重聯舊雨

葭吹舊律回新律瓜代先期竟後期
諸君多有因代務留滯鄂城者八

陣風雲同樹幟一家詩酒勝園基
兩文郎才藻翩翩各以近著就質不

才事車輪公等卅載鄉書也計資
余以戊申鄉薦若論科資忝列甲寅以前

然同年星散文酒之懽殊不易覩也